

*Komisija za izbor i imenovanje/
Povjerenstvo za izbor i imenovanje*

Комисија за избор и именовање

Broj: 01/6-02-1128/26-1
Sarajevo, 5. 5. 2026. godine

**PREDSTAVNIČKOM DOMU
PARLAMENTA FEDERACIJE BOSNE I HERCEGOVINE**

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 05-05-2026			
Org. jed.	Broj	Priloga	Vrijednost

Komisija za izbor i imenovanje Predstavničkog doma Parlamenta Federacije Bosne i Hercegovine na 19. sjednici, održanoj 5. 5. 2026. godine, razmatrala je sljedeći:

DNEVNI RED

1. Razmatranje Prijedloga za izbor predsjedavajućeg Predstavničkog doma Parlamenta Federacije BiH, broj: 01/a,01/b-02-952/26 od 14. 4. 2026. godine, predlagač: Klub zastupnika Naše stranke u Predstavničkom domu Parlamenta Federacije BiH,
2. Razmatranje prijedloga za imenovanje članova Programskog vijeća Radiotelevizije Federacije BiH,
3. Tekuća pitanja.

Na osnovu člana 44. Poslovnika Predstavničkog doma Parlamenta Federacije Bosne i Hercegovine, Komisija Domu podnosi sljedeći:

IZVJEŠTAJ

AD-1 Razmatranje Prijedloga za izbor predsjedavajućeg Predstavničkog doma Parlamenta Federacije BiH, broj: 01/a,01/b-02-952/26 od 14. 4. 2026. godine, predlagač: Klub zastupnika Naše stranke u Predstavničkom domu Parlamenta Federacije BiH

U uvodnim napomenama o ovoj tački dnevnog reda predsjednik Komisije gosp. Mladen Bošković upoznao je sve prisutne da je Klub zastupnika Naše stranke u Predstavničkom domu 14. 4. 2026. godine podnio Prijedlog za izbor predsjedavajućeg Predstavničkog doma Parlamenta Federacije BiH, broj: 01/a,01/b-02-952/26. Prijedlogom je za predsjedavajućeg Predstavničkog doma Naša stranka predložila

gosp. Amira Purića, iz reda ostalih, zastupnika u Klubu zastupnika Naše stranke, s obzirom na to da je bivši predsjedavajući, koji je nedavno razriješen dužnosti predsjedavajućeg, također bio iz Kluba zastupnika Naše stranke. Uz prijedlog, Komisiji za izbor i imenovanje dostavljena je i biografija kandidata gosp. Amira Purića.

Predsjednik Komisije je konstatovao da je prijedlog podnesen od ovlaštenih predlagača na osnovu člana 38. stava 3. Poslovnika Predstavničkog doma Parlamenta FBiH te da je prijedlog također u skladu sa odredbama amandmana CXXIV na Ustav FBiH.

U raspravi o ovom prijedlogu, nakon uvodnoga izlaganja predsjednika Boškovića, učestvovao je Dragan Mioković, član Komisije za izbor i imenovanje ujedno i član Naše stranke.

Nakon završene rasprave o ovoj tački dnevnoga reda predsjednik Komisije za izbor i imenovanje stavio je na glasanje **Prijedlog odluke o izboru predsjedavajućeg Predstavničkog doma PFBiH.**

Od prisutnih osam članova Komisije, sa sedam glasova za, nijednim glasom protiv i jednim suzdržanim glasom, Komisija predlaže Predstavničkom domu **Prijedlog odluke o izboru predsjedavajućeg Predstavničkog doma PFBiH, kojim se za predsjedavajućeg Predstavničkog doma bira Amir Purić iz reda ostalih, radi donošenja.**

U prilogu izvještaja:

- **Prijedlog odluke i biografija kandidata**

AD-2 Razmatranje prijedloga za imenovanje članova Programskog vijeća Radiotelevizije Federacije BiH

Upravni odbor Radiotelevizije Federacije Bosne i Hercegovine je 28. 4. 2026. godine dostavio rukovodstvu Predstavničkog doma Parlamenta Federacije Bosne i Hercegovine prijedlog kandidata za Programsko vijeće RTV FBiH, zajedno sa prijedlogom za imenovanje, biografijama kandidata, izvještajem Upravnog odbora o prijedlogu kandidata za članove Programskog vijeća, kao i svom popratnom dokumentacijom. Dostavljena dokumentacija je upućena svim zastupnicima. Nakon toga predsjednik Komisije za izbor i imenovanje uputio je članovima Komisije za izbor i imenovanje obavještenje o dopuni dnevnog reda već sazvane 19. sjednice Komisije za izbor i imenovanje, s dodatnom tačkom dnevnog reda - Razmatranje prijedloga za imenovanje članova Programskog vijeća Radiotelevizije Federacije BiH.

U uvodnim napomenama o ovoj tački dnevnog reda predsjednik Komisije je istakao da ovo programsko vijeće nikada nije izabrano, kao i da je ono savjetodavno tijelo. Programsko vijeće broji 11 članova, predstavnika naučnih, obrazovnih, kulturnih, privrednih, umjetničkih i sportskih institucija i udruženja, predstavnika mladih i penzionera **koje na osnovu javnog konkursa predlaže Upravni odbor te imenuje Parlament FBiH.** Mandat im je četiri godine i ne može se obnoviti. Prilikom izbora članova Programskog vijeća, Upravni odbor i Parlament Federacije dužni su voditi

računa da su u Programskom vijeću zastupljeni svi kantoni, kao i svi konstitutivni narodi u Bosni i Hercegovini i ostali. U svom izlaganju je istakao da su ove odredbe propisane Zakonom o javnom sistemu Radiotelevizije FBiH.

Nakon uvodnog izlaganja predsjednik Komisije je upoznao članove Komisije sa činjenicama koje su sadržane u Izvještaju Upravnog odbora RTV FBiH, koje je po zakonu provelo javni konkurs i dostavilo prijedlog kandidata za 11 članova Programskog vijeća. Naglasio je da se pri donošenju konačne odluke Upravni odbor RTV FBiH vodio obavezom osiguranja zastupljenosti konstitutivnih naroda i ostalih, zatim rodne ravnopravnosti te ravnomjerne zastupljenosti svih kantona Federacije Bosne i Hercegovine, uz uvažavanje stručne osposobljenosti i profesionalnog iskustva kandidatkinja i kandidata.

Među predloženim članovima Programskog vijeća osigurana je regionalna zastupljenost na način da su predloženi: po jedan predstavnik iz Unsko-sanskog kantona, Kantona 10, Zeničko-dobojskog kantona, Bosansko-podrinjskog kantona, Srednjobosanskog kantona, Tuzlanskog kantona, Zapadnohercegovačkog kantona, Hercegovačko-neretvanskog kantona i Posavskog kantona te dva predstavnika iz Kantona Sarajevo. Nacionalna zastupljenost predloženih kandidata je u sljedećoj brojnosti: pet Bošnjaka, četiri Hrvata, jedan Srbin i jedan iz reda ostalih. Postignuta je i rodna zastupljenost u smislu da predlažemo pet kandidatkinja i šest kandidata. Ispoštovana je i činjenica da Programsko vijeće savjetodavnu ulogu može najbolje obavljati ako se sastoji od članova različitih dobrih grupa, pa se one kreću od studenata do penzionera.

U skladu sa provedenim konkursnim postupkom i primjenom propisanih kriterija, Upravni odbor je predložio imenovanje sljedećih kandidata i kandidatkinja za članove i članice Programskog vijeća RTV FBiH:

1. EDITA KARDAŠEVIĆ (Unsko-sanski kanton)
2. HANA IMAMOVIĆ (Kanton Sarajevo)
3. DARKO LONČAR (Kanton Sarajevo)
4. ILIJA GABRIĆ (Kanton 10)
5. LAMIJA SUBAŠIĆ (Zeničko-dobojski kanton)
6. ADMIR DŽEMIDŽIĆ (Bosansko-podrinjski kanton)
7. IVANA PAVLOVIĆ (Zapadnohercegovački kanton)
8. NEMANJA PUDAR (Hercegovačko-neretvanski kanton)
9. ILIJA BAOTIĆ (Posavski kanton)
10. SONJA PEROVIĆ (Tuzlanski kanton)
11. MIRZA AŽDEROVIĆ (Srednjobosanski kanton)

Nakon uvodnog izlaganja otvorena je rasprava o ovoj tački dnevnog reda. U raspravi o ovoj tački dnevnog reda nije niko učestvovao.

Predsjednik Komisije za izbor i imenovanje gosp. Bošković pročitao je Prijedlog odluke o imenovanju članova Programskog vijeća te je stavio na glasanje **Prijedlog odluke o imenovanju članova Programskog vijeća Radiotelevizije Federacije BiH**, radi donošenja.

Od prisutnih osam članova Komisije, sedam članova je bilo za, jedan član je bio protiv i nije bilo suzdržanih članova.

U prilogu izvještaja: Prijedlog odluke, Izvještaj Upravnog odbora RTV FBiH sa skraćenim biografijama kandidata

3. Tekuća pitanja

Pod ovom tačkom dnevnog reda zatraženo je da se ubrza proces oko raspisivanja Javnog konkursa za izbor jednog člana Upravnog odbora RTV FBiH kojem istječe mandat, kako bi se u ovoj godini ispoštovala obaveza Parlamenta FBiH da se imenuje jedan član, kako je to predviđeno Zakonom o javnom servisu Radio-televizije FBiH.

Za izvjestioca na sjednici Predstavničkog doma, u skladu sa članom 53., predložen je Mladen Bošković, predsjednik Komisije za izbor i imenovanje.

PREDSJEDNIK KOMISIJE


dr. Mladen Bošković

Prijedlog

Na osnovu čl. 38. i 152. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), a u vezi sa Amandmanom CXXIV na Ustav Federacije BiH, Predstavnički dom Parlamenta Federacije Bosne i Hercegovine na sjednici održanoj ---2026. godine donio je

**ODLUKU
O IZBORU PREDSEDAVAJUĆEG PREDSTAVNIČKOG DOMA
PARLAMENTA FEDERACIJE BOSNE I HERCEGOVINE**

I.

Za predsjedavajućeg Predstavničkog doma Parlamenta Federacije Bosne i Hercegovine izabran je **Amir Purić**, iz reda ostalih.

II.

Danom stupanja na snagu ove odluke prestaje da važi Odluka broj: 01-02-716/26-1 od 12. marta 2026. godine.

III.

Ova odluka stupa na snagu danom donošenja i bit će objavljena u "Službenim novinama Federacije BiH".

PD PFBiH broj: 01-02- /26
S a r a j e v o, ----- 2026. godine

**POTPREDSJEDAVAJUĆA
PREDSTAVNIČKOG DOMA
PARLAMENTA FEDERACIJE BIH**

dr. sc. Azra Okić

BIOGRAFIJA KANDIDATA: AMIR PURIĆ

Rođen 11.12.1989. u Bijaču. Osnovnu i srednju školu završio u Velikoj Kladaši, a diplomirao na Odsjeku za novinarstvo i komunikologiju Fakulteta političkih nauka Univerziteta u Banjoj Luci 2013. godine. Master program demokratije i ljudskih prava završio 2018. godine na regionalnom bilateralnom programu Univerziteta u Sarajevu i Univerziteta u Bologni (Italija).

Radio i izvještavao za više lokalnih, regionalnih i stranih medija. Za izvještavanje o marginaliziranim društvenim grupama dobio specijalno priznanje „Srđan Aleksić“ za 2019. godinu, koje dodjeljuje Helsinški

parlament građana Banja Luka i Mreža za izgradnju mira. Koautor je istraživanja „Javni lokalni mediji između javnog interesa i finansijske ovisnosti“ (Mediacentar Sarajevo, 2018.) i „Mladi u Bosni i Hercegovini danas“ (Fondacija Schuler Helfen Leben, 2015.).

Aktivan u nevladinom sektoru kao projektni koordinator više projekata u oblasti omladinskog i građanskog aktivizma, kulture, umjetnosti i medijske pismenosti implementiranih u periodu 2013 - 2022. godina na području Velike Kladaše. Pohađao na desetine neformalnih edukacijskih programa iz oblasti novinarstva i medijske pismenosti, ljudskih prava i sloboda, demokratizacije društva i drugih, od kojih se izdvaja Akademija Švedskog instituta za mlade profesionalce (SAYP) o temi održivog javnog upravljanja na Univerzitetu Malmö 2022. godine.

Politički aktivan od novembra 2019. godine kao predsjednik Općinskog odbora Naše stranke u Velikoj Kladaši, a 2020. godine izabran za općinskog vijećnika. Član Predsjedništva Naše stranke od 2021. godine i zastupnik u Zastupničkom domu Parlamenta Federacije BiH od 2022. godine.

Aktivno govori engleski jezik, a pasivno se služi talijanskim i španjolskim.

Nastanjen u Velikoj Kladaši, oženjen, po nacionalnoj pripadnosti izjašnjava se kao Bosanac i Hercegovac i spada u red Ostalih.



Prijedlog

Na osnovu člana 31. Zakona o javnom servisu Radiotelevizije Federacije Bosne i Hercegovine ("Službene novine Federacije BiH", broj: 48/08), člana 152. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br: 69/07, 2/08, 26/20 i 13/24) i člana 143. Poslovnika o radu Doma naroda ("Službene novine Federacije BiH", br: 27/03, 21/09 i 24/20), Parlament Federacije Bosne i Hercegovine na sjednici Predstavničkog doma Parlamenta, održanoj _____ 2026. godine i na sjednici Doma naroda Parlamenta Federacije Bosne i Hercegovine, održanoj __ 2026. godine, donio je

**ODLUKU
O IMENOVANJU ČLANOVA PROGRAMSKOG VIJEĆA RADIOTELEVIZIJE
FEDERACIJE BOSNE I HERCEGOVINE**

I.

Za članove Programskog vijeća Radiotelevizije Federacije Bosne i Hercegovine imenuju se:

1. EDITA KARDAŠEVIĆ (Unsko-sanski kanton)
2. HANA IMAMOVIĆ (Kanton Sarajevo)
3. DARKO LONČAR (Kanton Sarajevo)
4. ILIJA GABRIĆ (Kanton 10)
5. LAMIJA SUBAŠIĆ (Zeničko-dobojski kanton)
6. ADMIR DŽEMIDŽIĆ (Bosansko-podrinjski kanton)
7. IVANA PAVLOVIĆ (Zapadnohercegovački kanton)
8. NEMANJA PUDAR (Hercegovačko-neretvanski kanton)
9. ILIJA BAOTIĆ (Posavski kanton)
10. SONJA PEROVIĆ (Tuzlanski kanton)
11. MIRZA AŽDEROVIĆ (Srednjobosanski kanton)

II.

Mandat članova Programskog vijeća je četiri godine i ne može se obnoviti.

III.

Ova odluka bit će objavljena u "Službenim novinama Federacije BiH".

PF BiH broj: 01,02- - /26
Sarajevo, ----- 2026. godine

**PREDSJEDAVAJUĆI
DOMA NARODA
PARLAMENTA FEDERACIJE BiH**

Tomislav Martinović

**POTPREDSJEDAVAJUĆA
PREDSTAVNIČKOG DOMA
PARLAMENTA FEDERACIJE BiH**

dr. sc. Azra Okić



**Prijedlog za
imenovanje članova
Programskog vijeća
RTVFBiH**

27. 4. 2026.

Radio-televizija Federacije Bosne i Hercegovine
Bulevar Meše Selimovića 12, 71000 Sarajevo, BiH
+387 (0)33 461-101; press@rtvfbih.ba
ID 4200090470004; PDV 200090470004
Unicredit banka 3389002208053496



Prema Zakonu, članove / članice Programskog vijeća Radio-televizije Federacije Bosne i Hercegovine imenuje Parlament Federacije Bosne i Hercegovine na prijedlog Upravnog odbora RTVFBiH, odnosno Povjerenstvo za izbor i imenovanje Zastupničkog doma / Doma naroda Parlamenta FBiH.

Zakonski preduvjet

Iz Zakona o Javnom servisu Radio-televizije Bosne i Hercegovine izdvajamo sljedeće članke:

Članak 29.

Savjetodavni organi

- (1) Upravni odbor može utemeljiti savjetodavne organe za razmatranje i savjetovanje o različitim aspektima djelatnosti RTVFBiH.
- (2) Radi potpunijeg zastupanja i zaštite interesa javnosti u programima RTVFBiH, Upravni odbor utemeljit će Programsko vijeće, koje ima isključivo savjetodavnu ulogu.

Članak 30.

Sastav Programskog vijeća

- (1) Programsko vijeće čini 11 članova, predstavnika znanstvenih, obrazovnih, kulturnih, gospodarskih, umjetničkih i sportskih institucija i udruga, predstavnika mladih i umirovljenika koje na temelju javnog natječaja predlaže Upravni odbor, a imenuje Parlament Federacije Bosne i Hercegovine.
- (2) Ograničenja utvrđena za izbor članova Upravnog odbora odredbom članka 25. stav (2) ovog Zakona primjenjuju se i pri izboru članova Programskog vijeća.
- (3) Članovi Programskog vijeća mogu biti samo državljani Bosne i Hercegovine.
- (4) Članovi Programskog vijeća dužni su predstavljati i u obavljanju svog posla zastupati interese javnosti.
- (5) Mandat članova Programskog vijeća traje četiri godine i ne može biti obnovljen.

Članak 31.

Izbor, imenovanje i razrješenje članova Programskog vijeća

- (1) Pri izboru članova Programskog vijeća Upravni odbor i Parlament Federacije dužni su voditi računa da su u Programskom vijeću zastupljeni svi kantoni i svi konstitutivni narodi u Bosni i Hercegovini i ostali.
- (2) Parlament Federacije imenuje i razrješava članove Programskog vijeća na prijedlog Upravnog odbora.
- (3) Član Programskog vijeća može biti razriješen ako sam zatraži razrješenje. Sukladno Zakonu, članove i članice Programskog vijeća RTVFBiH imenuje Parlament Federacije Bosne i Hercegovine na prijedlog Upravnog odbora RTVFBiH, nakon provedene natječajne procedure.



Sukladno navedenim propisima, Upravni odbor RTVFBiH pokrenuo je proceduru za odabir kandidata za Programsko vijeće RTVFBiH u rujnu 2025.

Izvešće Upravnog odbora o prijedlogu kandidata za članove Programskog vijeća

Na temelju članaka 29., 30., 31. i 33. Zakona o Javnom servisu Radio-televizije Federacije Bosne i Hercegovine (Službene novine FBiH, br. 48/08), Statuta RTVFBiH te odluka i zaključaka Upravnog odbora RTVFBiH u dva je navrata objavljen Javni natječaj za imenovanje članova i članica Programskog vijeća RTVFBiH u Službenim novinama FBiH, dnevnim novinama te na službenim mrežnim stranicama i u programu RTVFBiH.

Po okončanju natječajnih procedura konstatirano je da je pristiglo 26 prijava, koje su, na temelju provedene evaluacije, ocijenjene blagovremenima i potpunima.

Posebnim su odlukama formirani Povjerenstvo za provjeru pristigle dokumentacije, Povjerenstvo za ocjenu kandidata te je sastavljen pravilnik za bodovanje.

Povjerenstvo za ocjenu kandidata sastojalo se od članova Upravnog odbora RTVFBiH: Adnan Huskić, Daniela Gogić, Medina Mujić i Zoran Krešić.

Postupajući sukladno članku 31. Zakona o javnom servisu RTVFBiH i relevantnim odredbama Statuta, Upravni odbor RTVFBiH / Povjerenstvo za ocjenu pristiglih prijava, nakon detaljnog razmatranja svih prijava i razgovora s kandidatima iz užeg izbora, odabralo je jedanaest kandidata i kandidatkinja za Programsko vijeće, za koje smatramo da su respektabilni predstavnici i predstavnice znanstvenih, obrazovnih, kulturnih, umjetničkih i sportskih institucija i udruga, kao i predstavnici / predstavnice mladih i umirovljenika / umirovljenica.

Pri donošenju konačne odluke Upravni odbor RTVFBiH vodio se obvezom osiguranja zastupljenosti konstitutivnih naroda i ostalih, rodne ravnopravnosti te ravnomjerne zastupljenosti svih kantona Federacije Bosne i Hercegovine, uz uvažavanje stručne osposobljenosti i profesionalnog iskustva kandidatkinja i kandidata.

Među predloženim članovima Programskog vijeća osigurana je regionalna zastupljenost na način da predložimo po jednog predstavnika iz Unsko-sanskog, Hercegbosanskog, Zeničko-dobojskog, Bosansko-podrinjskog, Kantona Središnja Bosna, Tuzlanskog, Zapadnohercegovačkog, Hercegovačko-neretvanskog i Posavskog te dva predstavnika iz Sarajevskog kantona. Nacionalna



zastupljenost predloženih kandidata je u sljedećoj brojnosti: pet Bošnjaka, četiri Hrvata, jedan Srbin i jedan iz reda ostalih naroda. Postignuta je i rodna zastupljenost u smislu da predložimo pet kandidatkinja i šest kandidata. Ispoštovana je i činjenica da Programsko vijeće savjetodavnu ulogu može najbolje obavljati ako se sastoji od članova različitih dobnih skupina, pa se one kreću od studenta do umirovljenice.

U nastavku, sukladno provedenoj natječajnoj proceduri i primjeni propisanih kriterija, predložimo imenovanje sljedećih kandidata i kandidatkinja za članove i članice Programskog vijeća RTVFBiH:

1. Edita Kardašević (Unsko-sanski kanton)
2. Hana Imamović (Sarajevski kanton)
3. Darko Lončar (Sarajevski kanton)
4. Ilija Gabrić (Kanton 10 / Livanjski)
5. Lamija Subašić (Zeničko-dobojski kanton)
6. Admir Džemidžić (Bosansko-podrinjski kanton)
7. Ivana Pavlović (Zapadnohercegovački kanton)
8. Nemanja Pudar (Hercegovačko-neretvanski kanton)
9. Ilija Baotić (Posavski kanton)
10. Sonja Perović (Tuzlanski kanton)
11. Mirza Ažderović (Kanton Središnja Bosna)

Predloženi kandidati i kandidatkinje odabrani su prema kriterijima stručnosti i profesionalnog iskustva te obvezom osiguranja teritorijalne, rodne, nacionalne, profesionalne i društvene zastupljenosti, sukladno važećim zakonskim i statutarnim odredbama, o čemu svjedoče kratki pregledi životopisa kandidata:

Edita Kardašević iz Ključa magistra je prometa i komunikacija. Nakon profesorske karijere i rada s mladima, više od deset godina posvetila je djelatnosti certificiranja i suvremenim tehnologijama u području prometa i komunikacija. Iskustvom iz realnog sektora te kao samostalna gospodarstvenica iz deficitarne djelatnosti menadžera u području prometa i komunikacija može dati specifičnu vizuru kao doprinos razvoju novih tehnologija na RTVFBiH.



Hana Imamović rođena je u Zenici, a nakon studija u Sjedinjenim Američkim Državama diplomirala je žurnalistiku u Sarajevu, gdje i danas radi i živi. Njezin je profesionalni angažman obuhvatio različite segmente novinarskog posla, od organizacije i prevođenja do produkcije i edukatorske uloge. Radno iskustvo stjecala je u lokalnim, ali i regionalnim agencijskim i televizijskim kućama. Njezina dugogodišnja posvećenost istraživačkom novinarstvu u cilju očuvanja demokratskih vrijednosti, pluralizma i slobode izražavanja mogu biti od velike koristi za jačanje povjerenja građana u javni servis u Bosni i Hercegovini.

Darko Lončar, diplomirani ekonomist iz Sarajeva, karijeru je gradio u područjima financijskog planiranja, analitike tržišnih resursa i osobito u prodajnom marketingu. Uz primarnu profesionalnu orijentaciju, već dva desetljeća posebno se ističe u društvenom angažmanu u promidžbi sporta kao predsjednik i idejni pokretač udruge „Dečki u plavom“, koja je od organiziranja prvog maratona u Sarajevu do danas postala sinonim za trkačku zajednicu u Bosni i Hercegovini. Posvećenim društvenim angažmanom i mnogobrojnim kontaktima u sportskoj zajednici u cijeloj Bosni i Hercegovini može dati novo viđenje uloge i promidžbe sportskih sadržaja na RTVFBiH.

Ilija Gabrić, magistar politologije, ima znatno iskustvo rada u lokalnoj upravi u Tomislavgradu, gdje sudjeluje u administrativnim procesima i provedbi javnih politika. Osobito se ističe razumijevanjem funkcioniranja javne uprave i neposrednim radom s građanima kroz općinske službe. Spoj politološke naobrazbe i praktičnog iskustva u lokalnoj vlasti te svakodnevna komunikacija sa lokalnim stanovništvom mogu osigurati da će čuti glas pojedinca iz lokalne zajednice u okviru programa RTVFBiH.

Lamija Subašić profesorica je jezika i književnosti s bogatim iskustvom u akademskom i projektnom radu, poglavito u području rodne ravnopravnosti i društvenih politika. Voditeljica projekata u zakladi TPO i koordinatorica Sveučilišnog gender centra, radila je na razvoju obrazovnih i istraživačkih programa u području ravnopravnosti spolova. Kao edukatorica i znanstvenica koja je rad posvetila marginaliziranim skupinama bit će od iznimne koristi za rad Programskog vijeća.

Admir Džemidžić diplomirani je arheolog i stručni savjetnik za muzeološke poslove u Centru za kulturu Goražde, s dugogodišnjim iskustvom u istraživanju i zaštiti kulturne baštine. Sudjelovao je u brojnim arheološkim i projektima popularizacije historijske građe, posebno među mladima. Istodobno je glazbenik, član rock benda kao gitarist, i mislimo da njegova sveobuhvatna društvena prisutnost i znanstvena ekspertiza čine izuzetan spoj za doprinos Programskom vijeću.



Ivana Pavlović umirovljenica je s dugogodišnjim iskustvom rada kao inspektorica u Graničnoj policiji Bosne i Hercegovine te magistra komunikologije s predavačkim iskustvom u izobrazbi kadrova. Trenutačno obnaša dužnost tajnice i službenice za informiranje u udruzi umirovljenika u Ljubuškom. Kao iznimno društveno angažirana u promidžbi suvremenih tehnologija kod umirovljeničke populacije može dati osobit doprinos u prijenosu mišljenja starijih gledatelja uredništvu RTVFBiH.

Nemanja Pudar student je završne godine na Fakultetu informacijskih tehnologija (FIT) Sveučilišta „Džemal Bijedić“ u Mostaru i radi kao softverski inženjer. Ističe se motivacijom za rad u Programskom vijeću te željom da tim angažmanom pridonese široj zajednici. Smatramo da će svojom tehničko-informatičkom naobrazbom i gledištem mladih u vezi sa strukturom suvremenog radija i televizije znatno pridonijeti radu Programskog vijeća i modernizaciji uređivačke politike.

Ilija Baotić, diplomirani žurnalist, zaposlen u jedinici lokalne samouprave Grad Orašje, prvo kao službenik za informiranje, a trenutačno kao predstojnik Ureda gradonačenika Orašja. Angažman u kulturno-umjetničkom ansamblu „Raščica“ te iskustvo rada na RTVFBiH kao dopisnik iz Posavskog kantona čine vrlo koristan spoj za znatan doprinos u Programskom vijeću.

Sonja Perović iz Gračanice diplomirana je psihologinja i kognitivno-bihevioralna psihoterapeutica, zaposlena u Domu zdravlja Gračanica, gdje obnaša dužnost šefice Centra za mentalno zdravlje. Kroz dugogodišnji profesionalni rad u području mentalnog zdravlja, uključujući psihodijagnostiku, savjetovanje i psihoterapiju, te angažman u forenzičko-psihološkim procjenama i radu s različitim društvenim skupinama izgradila je bogato iskustvo u radu s pojedincima i zajednicom. Njezin profesionalni i društveni angažman bit će znatan doprinos radu Programskog vijeća RTVFBiH.

Mirza Ažderović iz Travnika diplomirani je defektolog – logoped, zaposlen u Osnovnoj školi Travnik, gdje svakodnevno radi s djecom i pridonosi njihovu obrazovnom i komunikacijskom razvoju. Dugogodišnji je član Planinarskog saveza Federacije BiH i Udruge logopeda FBiH. Njegov rad s mladima i aktivizam u sportu osiguravaju specifičnu i vrijednu perspektivu za znatan doprinos radu Programskog vijeća RTVFBiH.



Ljubazno vas molimo da naš prijedlog stavite u proceduru za imenovanje članova Programskog vijeća Radio-televizije Federacije Bosne i Hercegovine.

U prilogu: životopisi predloženih članova Programskog vijeća.

Prijedlog podnose članovi Upravnog odbora RTVFBiH:

Adnan Huskić

Zoran Krešić

Medina Mujić

Daniela Gogić



Broj: 4110-04/71

Datum: 27.04.2026.g.